

# Kontuola

ANTZUOLA / Egubakoitza / 2004eko uztailaren 9a / 209. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Haurtzaindegia otsailean zabaltea espero du Udalak


AINTZANE IRIZAR

Urrats berri bat eman du Udalak haurtzaindegiari dagokionez: haurtzaindegia eraikitzeko lanak esleitzeko baldintza pleguak onartu ditu. Udaleko arduradunek espero dute irailean lanekin hastea eta otsailean haurtzaindegia zabaltea.

Aurreko asteko egubakoitzean egin zuen Udalak uztailleko osoko bilkura; hantxe, haurtzaindegia eraikitzeko lanak esleitzeko baldintza pleguak onartu zituen. Lanen esleipenak Udalak berak kudeatuko ditu eta gremioka egingo dituzte esleipenok; horrela, merkeago aterako zaizkio lanak Udalari.

Haurtzaindegia izango denaren aurreproiektua idatzita dago eta behin-betiko proiektua idazten dihardu orain Ingenieria 21 enpresak. Herri Ikastetxeari atxikita egingo dute eraikin berria, jolastokiaren ondoan.

Behin baldintza pleguak onartuta, laster esleitu dituzte lanak, eta irailean lanekin hasteko moduan egongo direla espero dute Udaleko arduradunek; euren asmoa da datorren urteko otsailean haurtzaindegia zabaltea.



Herri Ikastetxeari atxikita egingo dute eraikin berria, jolastokiaren ondoan.

*Udalak berak kudeatuko ditu esleipenak eta gremioka egingo dituzte*

### UDALAK FINANTZATUKO DU

Antzuolako Udala Haurreskolak Partzuergoaren barne dago. Horrela, lanak finantzatzeaz Udala arduratuko da, baina, haurtzaindegia hornitzea eta kudeatzea Partzuergoaren zeregina izango da. Udalak 300.000 bat euro inbertituko ditu haurtzaindegia eraikitzen.

Partzuergoak bi haurtzaindegia maila bereizten ditu: 2.000 biztanletik beherako herrietarako haurtzaindegiak eta 2.000 biztanletik gorako herrietarako. Antzuolak 2.000 biztanle baino gutxiago dituen arren, biztanleriaren goranzko joera ikusita, herri handienetarako moduko haurtzaindegia egingo du.

### UDALA

## Udaleko langileak ez daude ados Eudelek eta CCOOk hitzartutako akordioarekin

AINTZANE IRIZAR

Aurreko egubakoitzeko osoko bilkuran Udalak onartu zuen Eudelek eta CCOO sindikatuak adostutako akordioa bere egitea. Udaleko langileak, baina, ez daude ados erabaki horrekin, eta Udalak negoziatzeko aukerarik ez diela eman salatu dute.

Uztailleko osoko bilkuran, udalbatzarrak onartu egin zuen Eudelek eta CCOO sindikatuak udalako langileen konbenioari dagokionez hitzartutako akordioa. Akordio horretan, ordain-sarien gehikuntza bat aurrez ikusten da.

Udaleko langileak, baina, ez dira ados azaldu erabaki horrekin; Inigo Zubeldia Antzuolako Udaleko langileen ordezkariak

azaldu digunez, alkateak ez die eman negoziatzeko aukerarik; bere esanetan, mahai bat osatzea lortu zuten, azkenean, baina, Udalak Eudelen erabakiarekin bat egingo zuela azaltzeko bakarrik izan zen mahai hori.

Zubeldiaren esanetan, CCOO sindikatuak udaletako langileen %13 bakarrik ordezkatzeko du eta ez dute onartzen sindikatu horrek lortutako akordioa.

Udaleko langile guztiek parte hartu zuten egubakoitzeko osoko bilkuran, eta euren jarrera azaldu zuten hantxe, zinegotzi guztien aurrean.

Inigo Zubeldiaren esanetan, euren eskaerak ez dira ekonomikoak bakarrik, hau da, ez dituzte soldata igoerak bakarrik eskatzen; garrantzi handia ematen diote, esaterako, zerbitzuen pribatizazioaren gaiari.

### LABUR

#### Txirrindulari lasterketa jokatu dute domekan

Domekan, 09:30ean hasita, jokatu dute 59. Antzuola Saria, amateur mailako txirrindulari lasterketa. XII. aldia izango da Inaki Leteren oroimenez jokatzeko dutena. 19 eta 20 urte bitarteko txirrindulariek parte hartuko dute; 12:30 aldera bukatuko da lasterketa, herriko plazan.

#### Gazteek jaso dituzte dagoeneko gaztetxeko giltzak

Gazteek gaztetxea izango den lokalaren giltzak jaso dituzte dagoeneko, eta lokala egokitzeko lanekin dihardute orain. Oraindik ezin izango dute gaztetxea zabaldu; izan ere, lokala oso itxia denez, estraktore bat jarri beharra dago. Gauzak horrela, irailera arte ez dute zabalduko gaztetxea.

#### Arrolak jarritako gurutzea moztu egin dute

Otsailean jarri zuen Arrolak Zurkutzen, Arantzazun, gurutzea, Jesus Odriozolaren ekimenez; Jesus Antzuolan bizi den arren, Arantzazukoa da eta aspaldi Zurkutzen desgertutako gurutzea berreskuratu nahi izan zuen. Aurreko astean norbaitek hondotik moztu du gurutze hori.

#### Erretiratuen Eguna ospatuko dute domekan

Etzi, domeka, ospatuko dute Erretiratuen Eguna. 11:30ean meza izango dute; Bergarako San Joxepe erretiratuen elkarreko abesbatzak parte hartuko du mezan. 14:00etan, berriaz, bazkaria izango dute herriko erretiratuek. Aurten ez dute aurreko urteetan bezala frontoian egingo bazkaria, Herri Ikastetxean baizik.

PROIEKTUAK

# Gertu Gae taldeak kritikatu egin ditu Udalak aurkeztu berri dituen proiektuak

A.I.  
Gertu Gaek jendaurreko agerraldia egin zuen martitzenean, herrian aurrez ikusten diren hainbat proiekturen gainean bere iritzia azaltzeko. Batetik, Udalak aurkeztutako proiektuak kritikatu zituen; bestetik, errekaren proiektuaren gainean jardun zuen.

Gizarte Etxea Sagastiko zelaian egiteko asmoa azaldu berri du Udalak; bestetik, maristen eraikina zegoen tokian etxebizitzak egiteko proiektua. Udalak dituen asmo horien kontra azaldu da Gertu Gae. Hala ere, argi laga nahi izan zuten aurkezpenaren helburua ez zela Udalaren jardunaren aurka egitea; eurek nahi dutena da ahalik eta adostasun handiena lortzea eta herritarren iritzia ere kontuan hartzea.

Plataformako kideek azpimarratu zuten herriaren lehen-tasanak zeintzuk diren zehazteko momentua dela. Euren ustez,



Martitzen arratsaldean egin zuen agerraldia Gertu Gae plataformak.

Gizarte Etxea egiteari eman behar zaio lehentasuna, baina ez daude ados Sagastin egitearekin. Maristen eraikina zegoen tokian egitea proposatu du Gertu Gaek talde-

koek. Hauek, azaldu zuten, eurek proposatzen dutena ez da lehengoa bezain eraikin handia egitea, txikiagoa eta baxuagoa, baizik.

Herrian geratzen den berdegune bakarrean eraikin bat egitea, berriz, astakeriatzat jo zuten.

Etxebizitza multzoari dagokionez, adierazi zuten oso larria dela Udala lursail publikoekin espekulatzen ibiltzea. Galdera bat ere bota zuten: "Beharrezkoak dira herrian horrenbeste etxebizitza?". Horren harira, berriz ere azpimarratu zuten lehentasunak zehazteko beharra.

**ERREKAREN PROIEKTUA**

Eusko Jaurlaritzak egin duen errekaren proiektuari dagokionez, aldaketak proposatu zituen Gertu Gaek. Euren ustez, erreka zabaltzea derrigorrezkoa bada, plaza salbatzea ere derrigorrezkoa izan beharko litzateke.

Jaurlaritzaren proiektuaren arabera, hiru zubi edo plataforma izango lituzke errekak plaza. Gertu Gaek proposatzen du erdiko zubia udaletxea baino zabalagoa izatea. Euren ustez, helburua izan behar da plaza funtzional bat lortzea.

LABUR

## Madariagak kargua laga du mehatxuak direla eta

EAJ-EA koalizioako zinegotzi Gurutz Madariagak kargua laga du. Udalbatzarraren aurrean azaldu zuen dimisioaren arrazoia izan dela mehatxatuta sentitzen dela. EAJ-EA koalizioak, ofizialki, zortzi zinegotzi lortu zituen hauteskundeetan, baina bostek bakarrik hartu zuten kargua. Madariagak ez zuen bere kargua hartu urrira arte. Bere esanetan, ordutik hona mehatxatuta sentitu da.

EAJ-EAK idatzi bat kale-ratu du egoera hori salatzeko eta Gurutzi elkartasuna adierazteko. Etxez etxe banatu zuten idatzi hori aurreko egubakoitzean.

## PSE-EEK aurkeztutako mozioa onartu zen

Elvira Kortajarena zinegotziak, PSE-EEren izenean, Gizarte Emergentzietarako Laguntzen gaineko mozioa aurkeztu zuen aurreko egubakoitzean, uztaileko osoko bilkuran. Mozio horretan, Eusko Jaurlaritzari Udalak eskatzen dio Emergentziarako Laguntzarako beharrezko aurrekontua zehaztuta izatea. Udalbatzarrak erabaki zuen mozioa onartzea.

## Liburutegia itxita egongo da datorren aste ia osoan

Datorren astean, astelehenean bakarrik zabalduko dute Udal Liburutegia. Izan ere, liburutegiko arduradunak ikastaro bat egin behar du martitzenetik eguenera. Egubakoitzean, berriz, jaiak direla eta, itxita egongo da. Gogoratu behar dugu, gainera, uztaile amaiera arte, goizez bakarrik zabaltzen dutela, 11:00etatik 14:00etara. Irailean helduko diote ohiko ordutegiari.

GIZARTEA

# Parte-hartze Taldea osatu du Elkarrik

A.I.  
Momentu honetan III. Bake Konferentziaren elkarrizketa politiko eta sozialaren fasean dago Elkarri. Fase horretarako, Herrietako Parte-hartze Taldeak (HPT) osatu dituzte Euskal Herriko osoko 100 herritan. Horietako talde bat Antzuolan osatu dute.

dianitzak osatzea proposatzeko.

Horrekin batera, gizartearen parte-hartzea ere funtsezkoa dela uste du Elkarrik. Horregatik, Herrietako Parte-hartze Taldeak osatu dituzte Euskal Herriko 100 herritan. Herri horietako bat da Antzuola.

Hogei bat lagunek osatzen dute Antzuolako taldea. Urritik aurrera hiru batzar egingo dituzte; bi gai landuko dituzte: "Zela irudikatzen duzu etorkizuna bakean" eta "Horretara hurbiltzeko zein proposamen zehatz egon daitezkeen". Ateratzen diren ondorioak alderdi politiko guztiei helaraziko zaizkie.



120.000 sinadura batu zituen Elkarrik Euskal Herrian.

Iazko urrian ekin zion Elkarrik sinadura bilketa kanpainari; helburua zen Eskaera Eskubidea erabilita, Eusko Legebiltzarrera eta Nafarroako Parlamentura jotzea, elkarrizketa mahai alder-

DEKORAZIOA  
**ABAD**  
PINTURAK  
ANTZUOLA  
PAPER PINTATUAK

Jose Gomez Abad

Errekalde 6, 4-B.  
Antzuola  
943 76 60 19  
943 76 60 43  
Faxa:  
943 76 60 19

INDUSTRI MANTENIMENDUA

# EGAÑA

Era guztietako arotz lanak

Tarima eta parketa jartzea  
Zoruen kutxilatutako eta barnizatuak

Kalegoi 21, ANTZUOLA Tel.: 943 76 64 23

## LEKY-BERRI MERENDEROA

Janariak eta edariak

Tf. 943 76 60 94  
ANTZUOLA

# Kontuola

ANTZUOLA / Egubakoitza / 2004ko uztailearen 9 / 209. zenbakiaren gehigarri berezia



## JAIKAK04

IATORRIZKO ARGAZKIA: AINTZANE IRIZAR

**Doitasunezko  
trokelak**  
TROKELAY, S.A.

**Zerbitzuak**  
ELAY, S.L.

**ELAY Taldea**

**Ebaketa zehatza**  
ELAY INDUSTRIAL, S.A.  
CELAY, S.A. C.V.

**Gainmoldaketak  
eta tratamenduak**  
ELAY INDUSTRIAL, S.A.  
CELAY, S.A. C.V.

## ATREBENTZIAEZPADA/ Jaixetan zer gustatzen jatzu gehixen? Zer ekarriko ziñuke jaixetan?




**MARIÑE ETXANIZ**  
7 urte

Barrakak gustatzen jat gehixen, *La Rana*, batez be. Erromerixak be gustatzen jat. Barraka gehixago ekarriko nittuzke, eta zezenplazia jarriko neuke.



**ANDER ARANBURU**  
7 urte

Barrakak, tiruen postua, batez be. Postuetan jostailluak erostia be asko gustatzen jat; nik barraka gehixago eta hobiak ekarriko nittuzke, gutxi egoten dira eta.



**HARITZ KORTABARRIA**  
7 urte

Barrakak, *Rodeua*, batez be; baiña Antzuolara ez da etortzen. Bergarako jaixetan ibilli izan naiz *Rodeuan*. Jolasparkia be asko gustatzen jat.



**ANDER FERNANDEZ**  
7 urte

Barrakak gustatzen jat gehixen, batez be, *La Rana*. Jostailluak erostia be gustatzen jat kalia jar-tzen dittuen postuetan. Barraka pillia ekarriko neuke jaixetan.



**OLATZ ABASOLO**  
6 urte

Barrakak, *La Rana*-n ibiltzia, batez be. Puesto mordua egoten da eta han jostailluak erostia asko gustatzen jat. Erromerixak be asko gustatzen jat.

## ALKATEARENAGURRA/ Jose Anjel Zabalo



**H**eldu dira 2004ko jaiak ere. Urtebete Udalean pasa ondoren, ilusioz eta proiektuz beteta jarraitzen dugu Antzuolaren etorkizunerako.

Agurtu nahi nituzke egitarau hau eratzten parte hartu duten guztiak. Eurei esker, eguneroko lanak utzi eta jai baketsu eta zoriontsuak ospatu ahal izango ditugu.

Zoriondu nahi nuke Mairuaren Alardearen inguruan sortu den elkarte, alarde hau indartzeko eta herri kontzientzia sortzeko izango delakoan.

Azkenik, agurtu nahi nituzke egun hauetan gure artean egon ezin diren guztiak, eta jaiak bizitzeko aukera dugunok adiskidetasunean ospa ditzagula.

## FOTOZAHARRA

## Koadrilen egunean, mozorrotuta

**G**arai baten, koadrilen eguna izaten zen domekan. Batzuk mozorrotu egiten ziren, argazkikoak kasu. Zutik, ezkerretik hasita: Fernando Lete, Basili Ormazabal, Antton Valverde, Iñaki Elortza, Iñaki Arregi eta Julian Agirreurreta. Makurtuta: Agustin Arbulu, Jose Mari Laskurain, Jose Inazio Madariaga eta Jose Benito Manzisidor.



**MARTIN**  
okindegia

Langela: Kalebarren 4  
Saltokia: Herriko plaza  
943 76 64 35  
**ANTZUOLA**

Jai zoriontsuak  
antzuolar guztioi!



**DESKARGA**  
AUTOAK

Antigua auzoa z/g Antzuola.  
Tf. 943 76 62 75

**EAJ**  
**PNV**

EAJ-PNVk Antzuolarroi eta egun  
hauetan gure herrian izango  
zareten guztioi,  
Piedade jai zoriontsuak  
opa dizkizue!

**ANTZUOLAKO EAJ**

**SURPE**

Surpe berriro zabalik  
zatoz geurera

Herriko plaza 2, ANTZUOLA

**Ondo pasau jaixetan**

**Ainhoa**  
drogeria

**ONDO IBILI JAIXETAN!**

Kalebarren 13, ANTZUOLA  
657 72 39 82

EGITARAUA

# EGITARAUA

## Eguena, 15

**10:30-13:00** UMEENDAKO JOLASAK herriko plazan, udaleku irekietako begiraleekin.  
**13:30** UMEEN herri BAZKARIA, herriko plazan.  
**15:00-17:00** UMEENDAKO JOKOAK herriko plazan, begiraleekin.  
**18:00** Jaien hasiera iragartzeko TXUPINAZOA eta KANPAIAK.  
 Horren ondoren, txistularien KALEJIRA eta BURUHANDIAK.  
**19:30** SALBEA parrokiari. Antzuolako abesbatzak Arrueren Salbea kantatuko du.  
**20:15** Oinaringo umekin, IKURRIN DANTZA.  
 Antzuolako bandera eta Ikurrina jasotzea.  
 Horren ondoren, UDALBATZAREN AURRESKUA, Oinarinek lagunduta.  
**22:00** SOINTEK taldearekin KARAOKEA.  
**00:00** SUZKO ZEZENA herriko plazan.  
**00:30-01:30** SOINTEK taldearekin, DISKOTEKA.

## Egubakoitza, 16

**09:55** TXUPINAZOA.  
**10:00** Txistulari taldearekin, GOIZ-ERESIA.  
**11:00-13:30** UMEENDAKO JOLASPARKEA herriko plazan.  
**11:30** MEZA nagusia.

**12:30** BERTSO SAIOA Zurrategin, Amets ARZALLUS eta Sustrai COLINA bertsolariekin.  
 Erretiratuek salda beroa eskainiko dute, nahi duen guztiarendako.  
**15:30-18:00** UMEEN JOLASPARKEA herriko plazan.  
**19:00-20:00** ZEZEN TXIKIAK ETA PONEYAK herriko plazan.  
**20:00** PRESOEN aldeko ekitaldia herriko plazan: senideei OMENALDIA egingo zaie.  
 Horren ondoren, sagardo eta pintxo dastaketa egingo dute.  
**23:00-00:30** ALAZAN taldearekin DANTZALDIA herriko plazan.  
**23:00** ROCK KONTZERTUA Zurrategin, Gazte Asanbladak antolatuta.

## Zapatua, 17

**09:55** TXUPINAZOA.  
**10:00** Txistulari taldearekin GOIZ-ERESIA.  
**11:30** Bergarako Udal MUSIKA BANDAREN kalejira.  
**11:30-13:30** EUSKAL KANTU ETA JOLASAK herriko plazan, Bergarako Jardun euskara elkartearen eskutik.  
**12:30** Bergarako Udal MUSIKA BANDAREN KONTZERTUA, Zurrategin.  
**18:00** Mairuaren ALARDEA.  
**19:00** Oinarin taldearen DANTZA SAIOA.



UMEENDAKO EKITALDI UGARI EGONGO DA.



ALARDEA, ZAPATU ARRATSALDEAN.

**21:00-22:00** JOSELU ANAIK taldearekin, DANTZALDIA.  
**21:30** HERRI AFARIA, Txosna batzordeak antolatuta.  
**23:00-02:00** Joselu Anaiak taldearekin, DANTZALDIA.  
**00:00** SUZKO ZEZENA, herriko plazan.

## Domeka, 18

**11:00-13:00** AEROMODELISMO erakustaldia, Helimodel taldearen eskutik.  
 12:30 arte hainbat auto gidatzeko aukera egongo da plazan. 12:30ean hasita, berriz, helikoptero eta hegazkinek erakustaldia egingo dute, Sagastiko zelaian.  
**12:30** GASTRONOMIA DASTAKETA herriko plazan. TREKUTZ elkarteak arduratuko dira dena gertatzeaz eta zerbitzatzeaz.  
**12:30** Herrian nabarmendu diren KIROLARIEI OMENALDIA, herriko plazan.  
**17:00** PILOTA PARTIDUAK, Udal Pilotalekuan: Berraondo-Urberuaga/ Baleztana-Auxkin; Goñi II.a-Elkoro/ Gonzalez-Apeztegia.  
**19:00-20:15** TRAPU ZAHARRA taldearekin, kale ANTZERKIA: *Elvis, joan hadi* antzezlan.  
**20:30-22:00 eta 23:00-01:00** NEKIN taldearekin DANTZALDIA.



SUKALDEKO HALTZARIAK  
**Harizki**

- Sukalderako eta bainurako altzariak
- Altzari rustikoetan espazializatuak

Jai zoriontsuak guztioi!



Zurrategi plaza 4 behea • Tel./Faxa: 943 78 71 80



Ondo ibili jaietan!

- Gasa
- Berogailuak
- Haire egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan DIBArekin bidez
- Birgaitze-espeditentak bideratzen ditugu

JOLASEAN

# Aspaldiko jolas eta kantuak ekarriko ditu Jardunek

Soka-saltoan, txapa jolasean eta kantuekin lagunartean aritzeko aukera izango dute neska-mutikoeak

Herriko plazan,  
11:30ean

Zapatua,  
uztailak 17

EDU MENDIBIL

Aspaldiko kantu eta jolasekin ondo pasatzeko aukera izango dute neska-mutikoeak zapatuan. Makina elektronikoekin ez ezik, badira ondo pasatzeko beste hainbat modu ere.

**B**ergarako Jardun elkartearen eskutik, neska-mutikoen jolasak eta kantuak izango dira zapatuan, hilaren 17an, Herriko Plazan, 11:30etik 13:30era bitartean.

Jardunek orain dela lau urte jarri zuen martxan Jolasleku Ibiltaria izeneko egitasmoa, Bergaran. Nekane Gabilondo Jarduneko kidearen arabera, galtzeko arriskuan ziren jolas eta kantuak berreskuratzea zen helburu nagusia. Umeak, gurasoak eta zaintzailak elkartzen diren gunetan egin izan dituzte Jolasleku Ibiltariako saioak, eta erantzun bikaina jaso dute: "Gaur egungo umeek ez dituzte ezagutzen lehengo



Argazkian, Jarduneko begiraleak neska-mutikoeekin jolasean.

jolas eta kantuak, eta altxor hori oso baliotsua da. Hain zuzen ere, tresna gutxiarekin eta imajinarioarekin primeran pasatzeko aukera dagoela erakutsi nahi diegu 6-12 urte bitarteko

**Galtzeko arriskuan ziren kantu eta jolasak berreskuratzeke helburuarekin. Jolasleku Ibiltaria abian jarri zuen Jardunek**

neska-mutikoei. Makina elektronikoekin eta horrelakoeekin ez ezik, soka edo txaparekin lagunartean jolasteko aukera ere bada. Betiko jolasak dira eta oraindik ere oso baliaga-

rriak dira. Gainera, gorputzeko hainbat atal lantzeko ere primeran datoz", adierazi digu Nekane.

Besteak beste, datorren zapatuan herriko plazara hurbiltzen direnak aukera izango dute soka-saltoan, esku jolasetan, tortoloxetan, txapetan, lerroko jolasetan eta zapiarekin aritzeko. Era berean, kantu zaharrak gogora ekarriko dituzte: *Zubirik zubiri*, *Domino abanti*, *Jose Martin*, *Kale frantses baten* eta *Xalala*, besteak beste.

**HELDUEI ERE GONBIDAPENA**

Askotan gurasoek ere erdi ahaztuta dituzten jolasak eta kantuak dira Jardunek ekarriko dituenak. Beraz, beraiendako ere aukera polita izango da zapatukoa, seme-alabekin jolasean ibiltzeko parada izango dute eta. Gaztetxoei eta helduei ere gonbidapena egiten die antolatzaileek.

Bost begirale izango dira zapatuko saioan: Lorea Zurututza, Amaia Ortiz de Urbina, Itziar Jauregi, Sherezade Moreno eta Idoia Retegi.



**Antzuolako Udalak jai zoriontsuak opa dizkizue!**

Bereziki zapatu arratsaldeko seietan egingo den Mairuaren alardera gonbidatu nahi zaituztegu. Zatozte!



**Antzuolako udala**  
www.antzuola.com

Jose Luis  
Zabalo

**zabalo**  
IGELTSEROTZA

Ondo pasau  
jaixak!

**ZAHAR BERRITZEAK:** Fatxadak • Bainugela eta sukaldea • Lokal komertzialak • Teilatuak **Eta orain... GREMIOEN KOORDINAZIOA**

Kalegoi 9 -1a. • ANTZUOLA • Tel. Faxe: 943 76 60 89

KIROLAK

# Herriko kirolari onenei sariak banatuko dizkiete

## Udalak ohitura hori berreskuratu nahi izan du, kirolariei urtean zehar egindako lana eskertzeko

AINTZANE IRIZAR

**Kirola eta gastronomia uztartuko dituzte domeka eguerdian. Kirolariei omenaldia egiten dieten bitartean, gastronomia dastaketa izango dugu. Trekutz elkar-tearen eskutik.**

**D**omeka eguerdiko giroa alaitzeko, beste ekimen bati ekin dio aurten Jai batzordeak: gastronomia dastaketa, hain zuzen ere, egingo dute. Aurten, Trekutz elkartekoak arduratuko dira jatekoa eta edatekoa prestatzeaz eta zerbitzatzaz. 12:30ean hasita izango da dastaketa.

Ekimen horren helburua da, alde batetik, herriko elkarteen parte-hartzea

bultzatzea, eta bestetik, jendea elkarrekin egoteko aukera ematea eta domeka eguerdiko giroa alaitzea.

Ordu berean eta plazan bertan, herriko kirolariei omenaldia egingo diete.

**HAMAIKA SARI EMANGO DITUZTE** Herriko hamaika kirolari eta kirol talde, hain zuzen ere, omenduko dituzte. Azkeneko urteotan galdua zegoen ohitura berreskuratu eta urtean zehar egindako lana eskertu nahi izan die Udalak herriko kirolariei.

Gorka Garcia futbol jokalaria jasoko du sarietako bat; iazko denboraldian Osasuna taldean jokatzen, Kordobak lagata. Orain, berriz dihardu Kordoban jokatzen. Emango dioten sariarekin, herriaren izena zabaldu izana

eskertu nahi izan dio Udalak. Futbolean, beste bi sari ere emango dituzte: gazte mailako taldeari bata, eta eskola kiroleko alebin mailako taldeari bestea.

Gimnasia erritmikoari dagokionez, Ariznoa taldean diharduten Antzuolako gimnasta guztiek jasoko dute saria, denboraldi bikaina egin dute eta. Iñaki Toledok eta Alejandro Muxikak, berriz, ehizan lortutako emaitzengatik jasoko dute saria.

Pilotan, bestalde, kade-te mailako pilotariei emango diete saria; Gurutz Larrea txirrindularia eta Julen Garitano eta Xabier Azkarate korrikalariak ere sarituko dituzte. Palan, azkenik, Gorka Iturbek, Iker Mansok, Gotzon Zabalok eta Balendin Zabalok jasoko dute saria.



Gazte mailako futbol taldeak Gipuzkoako kopa irabazi zuen.

ARTXBOA



Gimnasia erritmikoko neskek denboraldi ezin hobea egin dute.

ARTXBOA



# MATZ-ERREKA

Berotan estanpaturiko torlojugintza berezia

Plastiko eraldakuntza injekzio bidez



Ate eta pertsianak zabaltzeko automatismoen fabrikazioa

Ibarreta z/g 20577

Antzuola

Tel. + 34 943 78 60 09

Faxa + 34 943 78 70 34

<http://www.matz-erreka.com>

ELKARRIZKETA JOSE LUIS KORTABARRIA ALARDEAREN ELKARTEKO PRESIDENTEA

# “Alardearen inguruko giroa berpizten saiatu behar dugu”

AINTZANE IRIZAR

**Maiatzean aurkeztu zuten Mairuaren Alardearen Elkarte. Jose Luis Kortabarría da elkarteko presidentea. Urtetan egin du berak kapitainaren papera, eta bere ahotik ezagutu dugu askok Antzuolaren historiaren zati garrantzitsu bat.**

**Zer da Alardea Jose Luis Kortabarriarendako?**

Mutiko-mutikotatik hasi nintzen alardea ikusten, eta nire barruan horrelako grina bat sortu zuen. Gainera, urtetan egin nuen kapitainaren papera. Niretako ekitaldi oso berezia da, herriaren historiarekin lotutakoa; nire nahia da urtetako ohitura horrek jarraitzea.

**Elkarte bat sortu berri duzue alardea bultzatzeko. Horrek esan nahi du alardea indarra galduta dagoela?**

Alardeak beti izan ditu gorabeherak; urte batzuetan jendea topatu ezinda ibili gara; hurrengo baten, berriz, jende larregi... Orain elkarte hau sortzeak ez du

esan nahi alardea momentu txarrean dagoenik; baina, egia esan, alardearen inguruko giroa hozten joateko arriskua dago. Horregatik, alardearen indarrari eusten saiatu behar dugu, alardearen inguruko giroa berpizten.

Orain arte herriko Udalak arduratu izan da alardea antolatzeaz, baina egiten zen bakarra zen jaiak inguratzen zirenean alardea antolatu, ondoren balorazioa egin, eta kito. Hain zuzen ere, gure helburua da alardearen antolakuntza Udaletik atera, elkarte sortu eta urtean zehar iritziak jaso, denon artean eztabaiatu, aldaketa posibleak aztertu eta urte osoan piz-

**“Alardeak beti izan ditu gorabeherak; elkarte orain sortzeak ez du esan nahi alardea momentu txarrean dagoenik”**

tuta edukitzea alardearen inguruko lana.

**Elkarteak sortu zenute netik hona jende berririk elkartu zaizue?**

Bai; elkarte sortzearekin eta erakusketa antolatzearekin zelanbaiteko giroa sortu da. Jendeak oso harrera egin dio erakusketari. Hamar bat lagun etorri zaizkigu harrezkero, elkarte kide izateko, eta oso pozik gaude; guztira, hogeita bost bat lagunek osatuko dugu elkarte. Jendeak konpromisoa hartzeko beldurra dauka, baina, egia esan, elkarte honek ez digu lan handirik eman. Urtean sei bat batzar egingo ditugu, besterik ez. **Aurrera begira ze beste ekimen egingo duzue?**

Oraingoan, jaiak gainean ditugu eta alardea ere bai. Jaien ondoren, balorazioa egingo dugu, eta gure hurrengo zeregina izango da elkartearen aurrekontua prestatzea. Elkartearendako logotipo bat ere aukeratu beharko dugu. **Zer esango zenioke kanpoko jendeari jaietara etor dadin?**

Animatuko nituzke etortzera; batez ere, alardea ikustea merezi duela, oso ekitaldi polita dela.



Jai zoriontsuak igaro ditzazuela antzuolar guztiok eta bertaratzen zaretenok!



## Gabilondo-Arregi

h a r a t e g i a

ABELGORRI-OKELAREN EUSKO LABELA

Kalebarren 14 ANTZUOLA Tf. 943 76 62 90



## Ana Etxeberria

**Kirol masajista  
Osteopata  
Akupuntura  
Esku terapeuta  
Linfodrenagista  
Kiropraktikoa**

Errekalde 6 behea Tel.: 943 76 60 13 ANTZUOLA

Jai zoriontsuak guztioi!



**TXOSNAK**

# Beste kokapen bat izango dute txosnek: Zurrategin egongo dira


Bi txosna egongo dira: presoen lagunena bata, eta Gazte Asanbladarena bestea

AINTZANE IRIZAR

Bi txosna jarriko dituzte aurtengo jaietan ere; kokapena, baina, beste bat izango dute: Zurrategin egongo dira. Egitarau zabala antolatu du Txosna batzordeak.

Zurrategik beste itxura bat izango du eguenetik domekara. Aurten, hantxe jarriko dituzte txosnak. Orain dela bi urtera arte Eguzki auzoan egon dira txosnak urtetan. Iaz, Udal Pilotalekuaren ondoan jarri zituzten, frontoi txikian, hain zuzen ere.

Txosna batzordeko kideen nahia, baina, Zurrategin jartzea zen, eta aurten, Udalak horretarako baimena eman die.



Aurten ez da herri bazkaririk egongo domekan; zapatuan, baina, herri afaria egongo da Txosna batzordeak antolatuta.

**EKITALDI UGARI ANTOLATU DUTE**  
Bi taldek osatzen dute aurten Txosna batzordea: Presoen Lagunek eta Gazte Asanbladak, hain justu. Bi taldeon artean, egitarau propioa antolatu dute jaietarako.

Eguenean, 19:00etan zabalduko dituzte txosnak. Egubakoitzerako, berriz, presoen aldeko ekitaldia antolatu dute; 20:00etan izango da hori, plazan. Gauean, berriz, 23:00etan,

rock kontzertua egongo da Zurrategin.

Zapatuan ere ekitaldi ugari egongo da; alardearen ondoren, herri kirolak egongo dira: Idiazabal, Urretxu, Etxarri-Aranatz

eta Antzuolako gazte asanbladetako kideek parte hartuko dute. 21:30ean, berriz, herri afaria izango dugu. Txartelak herriko tabernetan daude salgai, 10 eurotan. Bestalde, aurten pre-

soen lagunek herri bazkaririk antolatu ez dutenez, herri afaria izango dugu zapatuan, Txosna batzordeak antolatuta. Afalostean dantzarako aukera izango dugu, DJ Bull-ekin.

## Txosna batzordearen egitaraua

EGUENA, 15

19:00

Txosnen irekiera.

EGUBAKOITZA, 16

20:00

Presoen aldeko ekitaldia herriko plazan. Ondoren, sagardo eta pintxo dastaketa.

23:00

Rock kontzertua

Zurrategin.

ZAPATUA, 17

19:30

Gazte asanbladen arteko herri kirolak. Idiazabal, Urretxu, Etxarri-Aranatz eta Antzuola.

21:30

Herri afaria txosnetan.

Ondoren, DJ Bull-en emanaldia.

DOMEKA, 18

01:00

Edatekoa doan. Zabalik dauden botilak gastatzeko bakarrik.

**HIRU**  
AROSZTEGIA

Ondo pasau jaixak!

ATEAK • LEHIOAK • ZORUAK • HORMA ARMAIRUAK

Antigua auzoa 8. 20577 ANTZUOLA Tel.: 943 76 63 59 eta 678 61 50 28/27

**TXOMIN GARAJEA**

ZORIONAK  
GUZTIOI!



Mekanika orokorra

Tailer profesionala

IAT/ITVrako prestaketa

Lizarraga auzoa. Antzuola. Tel. 943 78 70 77

ESPEZIALISTA BATEN BERMEAREKIN

# GOIZPER KOOP. ELK.

## MATABI IHINZTAGAILUAK

- NEKAZARITZAN, LORATEGIAN, INDUSTRIAN ETA ETXEAN TRATAMENDUA EGITEKO IHINZTAGAILU ETA HAUTSEZTAGAILUAK.

## GOIZPER TRANSMISIOAK

- ENBRAGEAK, BALAZTAK
  - PNEUMATIKOAK
  - HIDRAULIKOAK
  - MEKANIKOAK
  - ELEKTROMAGNETIKOAK
- ESPEKADUN ETENKAKO BIRAGAILUAK
- ESPEKA BEREZIAK

ANTIGUA 4 - 20577 ANTZUOLA (Gipuzkoa)  
211 POSTA KUTXATILA - 20570 BERGARA  
TEL.: 943 786000  
FAXA: 943 766008 - 943 787095  
E-MAILA: goizper@goizper.com  
Web gunea: www.goizper.com



**Tomas Gezalaga**  
ERA GUZTIETAKO MARGOLANAK-FATXADEN GARBIKETA

**ERA GUZTIETAKO MARGOLANAK-FATXADEN GARBIKETA**  
**943 766407      616 277999      Antzuola**